

# **REFERAT SAA- Sanarfinermut Avatangiisinullu Ataatsimiititaq d. 08-06-2018**

**Mødedato** Fredag d. 08. juni 2018 kl. 18:00

**Mødested** Kommunalbestyrelsep ataatsimiittarfia

# Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Ataatsimiititami aalajangiiffigisassat.....	7
Suliat Aningaasaqarnermut Inuussutissarsiornermullu Ataatsimiititamut Kommunalbestyrelsimullu	8
Kommunimut pilersaarummut tapiliussatut siunnersuut, 4D12-1, Viska, Qinngorput.....	9
1A6-3 Qaqortoq & Avannarliit, Nuuk Kommunimut pilersaarummut tapiliussap inaarutaasumik aki	13
Taasariaqartut allat.....	17
Suliat matoqqasut.....	18
Imaqarniliap akuerineqarnera.....	19

## Punkt 0: Saqqaa

**Ilaasortat** Malene Lyngø (IA), siulittaasoq Harald Bianco (IA) Justus Hansen (D) Mala Høry - Kúko (S) Laura Taarnkjær (S)

### Beslutning

Ilaasinnaanatik nalunaartut:

Harald Bianco (IA),

mala Høry - Kúko (S)

Sinniisussatut aggersarneqartut:

Rasmine Gesler (IA).

## **Punkt 1: Oqaluuserisassat akuerineqarneri**

### **Beslutning**

Oqaluuserisassat akuerineqarput.

## **Punkt 2: Nalunaarutit**

<p>2A. Siulittaasumit nalunaarutit</p> <p>2B. Ingerlatsivimmit nalunaarutit</p>

### **Beslutning**

2A. Siulittaasumit nalunaarutit.

Siulittaasup sulinngiffeqarallarnissani pillugu nalunaaruteqarpoq. Siulittaasup tullia siulittaasup sulinngiffeqarallarnissaanut taartaagallassooq.

2B. Ingerlatsivimmit nalunaarutit.

Illersornissaqarfik, Namminersorlutik Oqartissat kommuunilu suleqatigiinnissamut atsioqatigiipput. Piffissarlu manna Kangilinguani aaqqissuisoqarnissaa pillugu kommuunimit, Namminersorlutik Oqartussamiit illersornissaqarfimmillu alakkarneqarluni.

### **Punkt 3: Ilisimatitsissutit**

<p>Soqanngilaq.</p> <p>&nbsp;</p>

## **Punkt 4: Ataatsimiititami aalangiiffisassat**

**Punkt 5: Suliat Aningaasaqarnermut Inuussutissarsiornermullu  
Ataatsimiititamut Kommunalbestyrelsimullu ingerlateqqitassat**

## **Punkt 05A: Kommunitut pilersaarummut tapiliussatut siunnersuut, 4D12-1, Viska, Qinngorput**

### **Beslutning**

Inassuteqaatit akuerineqarput.

### **Bilag**

Bilag 1 KAL.pdf

## **Kommunimut pilersaarummut tapiliussatut siunnersuut, 4D12-1, Viska, Qinngorput**

Aalajangiiffissaq

J.nr: 16.03.01.01-P16-7-18

Sanarfinermut Avatangiisinullu Ingerlatsivik – Pisortaq, Hans Henrik Winther Johannsen / HHWJ

### **Suliassamik eqikkaaneq**

Sanarfinermut Avatangiisinullu Ingerlatsiviup matumuuna Kommunimut pilersaarummut tapiliussatut siunnersuut 4D12-1, Viska, akuersissutigisassanngorlugu saqqummiuppaa.

Kommunimut pilersaarummut tapiliussassatut siunnersuut "Viska, Horses & Rooms" pillugu pilersaarut tunngavigalugu suliarineqarpoq, pilersaarusionerq pillugu inatsisissatut allannguut 1. januar 2016-imeersoq naapertorlugu, taannalu 13.juni 2017-imi Kommunalbestyrelsimit inaarutaasumik akuersissutigineqarpoq.

Kommunimut pilersaarummut tapiliussami sukisaarsaartarfimmik hiistit pinngortitarlu qitiutillugit naapittarfimmik takornarianillu orninneqarsinnaasumik pilersitsisoqarsinnaavoq.

### **Inassuteqaat**

Sanarfinermut Avatangiisinullu Ingerlatsivimmit uku Sanarfinermut Avatangiisinullu

Ataatsimiititamut inassuteqaatigineqarput:

- Kommunimut pilersaarummut tapiliussatut siunnersuut 4D12-1, Viska, Qinngorput akuersissutigineqassasoq,
- siunnersuut akuersissutigineqartoq akuerisassanngorlugu sapaatit akunnerini arfineq pingasuni tamanut tusarniutigisassanngorlugu Aningaasaqarnermut Inuussutissarsiornermullu Ataatsimiititamut ingerlateqqinneqassasoq, aammalu
- suliaq tamatuma kingorna ilisimatitsissutitut Kommunalbestyrelsimut Aningaasaqarnermut Inuussutissarsiornermullu Ataatsimiititamit ingerlateqqinneqassasoq

### **Suliassamik saqqummiussineq**

Kommunalbestyrelsip ulloq 13. juni 2017 ataatsimiinnermini aalajangiuppaa Viska Horses & Rooms pillugu pilersaarummik sanaartortoqarnissaanik pilersaarut akuersissutigineqassasoq, sanaartornermut inatsit nutaaq aallaavigalugu, taamaaliornikkullu periarfissiilluni ukiuni marlunni nunaminertaq inniminnerneqarsinnaasoq, piffissamilu tassani nunaminertaq pillugu kommunimut pilersaarummik suliaqartoqassalluni. Kommunip pilersaarutaanut tapiliussamut siunnersuut manna tassa suliarineqarpoq Kommunalbestyrelsip pilersaarummik akuersissuteqarnera tunuliaqutaralugu.

Kommunimut pilersaarummut tapiliussami tikeraanut illuaqqanik tallimanik attartortinneqarsinnaasunik initalinnik sanasoqarnissaanik periarfissiissaaq, taakkulu saniatigut siunnersuutigineqarpoq café-liortoqarsinnaasoq, garage-liortoqarsinnaasoq, hiistit iniliortoqassasoq aammalu hiistertarfiliortoqassasoq. Immikkoortumut Qarsumi kaajallaasariup eqqaaniit aqqusineqassaaq, sanaartugarlu tamat innaallagissamut imermullu aqqutaataannut aamma kuuffissuarnut attavilerneqassaaq. Pilersaarummitaaq aasaanerani ivigartortitsisarnissamut, aasaanerani ungaluusanut nuunneqarsinnaasunut ukiorlu tamaat atorineqarsinnaasunut nunaminertamut ilaatinneqarput.

Siunnersuut illoqarfimmi innuttaasunut takornarianullu sukisaarsarfissaqartitsissaaq, aammalu hiistertarfeqassalluni immikkut sungiusartitsissutitut, sunngiffimmi hiisterneq, hiisterluni asimukarneq allarpassuillu.

#### *Aaqqiissutissatut siunnersuut – suliatigut naliliineq*

Illoqarfiup qanittuani sukisaarsaartitsisarfittut suliniut taanna Sanarfinermut Avatangiisinullu Ingerlatsivimmit illoqarfiit pingaarnersaannut Nuuk qitiutillugu periusissiamut naapertuulluinnartut nalilerneqarpoq, innuttaasut takornariallu illoqarfiattut pingaarnertut. Peqatigitillugu sunngiffimmi sammisassaqarfiuvoq nutaaq, Qinngutsinni najugaqarfiit Nuullu sinneranut avatangiisiinik qaffaallatsitsisussaq.

Sanaartukkami illuaqqat qaqqap killingani pitsaasumik inissisimassapput, nersutaasiviillu annerit qaqqami, qaqqajunnat marluk qaartillugit, sanaatorneqassapput. Illut qernertumik usserummik qallerneqassapput, aneerasaartarfiit suliarineqarsimanngitsunik qisuttaqassapput, sanaatornerlu nunaminertamat maniiusumut kusanartumik tulluarsarneqassaaq. Sanaatornerup annertussusaa pitsaasuvoq immikkoortumullu takujuminaallisitsisuunani akerlianik takujuminarsaataassaaq.

#### *Aningaasaqarnikkut sulisoqarnikkullu naliliinerit*

Kommunimut pilersaarummut tapiliussamik siunnersuusiorneq aningaasatigut kinguneqartitsissanngilaq.

#### *Inatsisitigut tunngavissaq allakkallu tunngaviusumik uppersaataitallit*

- Pilersaarusiorneq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-imeersoq aamma Inatsisartut inatsisissaat nr. 34 9. december 2015-imeersoq
- Kommunimut pilersaarut digitaliusoq [www.sermersooq2028.gl](http://www.sermersooq2028.gl)

#### *Ingerlariaqqinnissaq*

Pilersaarut pillugu siunnersuut sap.ak. arfineq pingasuni tamanut tusarniaassutigineqassaaq, piffissami 27. juni 2018 – 22. august 2018.

Tusarniaassummut akissuteqarnissamat killiliussaq qaangiuppat pilersaarutissatut siunnersuut, akerliliissutit tiguneqarsimasut ingerlatsivimmi nalilersorneqareerpata ingerlariaqqinnissamullu inassuteqaateqartoqareerpat, Sanarfinermut Avatangiisinullu aamma Aningaasaqarnermut Inuussutissarsiornermullu Ataatsimiititami kiisalu Kommunalbestyrelsimi inaarutaasumik akuerineqartussanngorlugu taakkununnga nassiunneqassaaq.

Inaarutaasumik pilersaarut tamanit pissarsiarineqarsinnaassaaq, ilaatigut kommunip nittartagaatigut [www.sermersooq.gl](http://www.sermersooq.gl)

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit allanik oqaaseqaatissaqartoqanngilaq, pitsaasutullu isigalugu takornariaqarnermut kiisalu innuttaasunut sunngiffimmi neqeroorutinut nutaanik iliuuseqartoqalenera.

#### **Innuttaasunik peqataatitsineq/attaveqaqatigiinneq**

Kommunimut pilersaarummut tapiliussaq sapaatip-akunnerini arfineq pingasuni tamanut tusarniaassutigineqassaaq, tamannalu Nuuk Ugeavisimi nalunaarutigineqarlunilu kommunip tusarniaanermut quppersagaatigut allagarsiissutigineqassaaq.

**Ingerlatsivinnit allaniit oqaaseqaatit**

Ingerlatsivinnit allanit oqaaseqartitsisoqanngilaq.

**Ilanngussaq/Ilanngussat:**

1. Kommunitumut pilersaarummut tapiliussatut siunnersuut 4D12-1

# **Punkt 05B: 1A6-3 Qaqortoq & Avannarliit, Nuuk Kommunitut pilersaarummut tapiliussap inaarutaasumik akuersissutigineqarnera**

## **Beslutning**

Inassuteqaatit akuersissutigineqarput.

## **Bilag**

Bilag 1 KAL.docx

Bilag 2 Kal.pdf

KPT-1A6-3 KAL.pdf

## **1A6-3 Qaqortoq & Avannarliit, Nuuk Kommunimut pilersaarummut tapiliussamik inaarutaasumik akuersineq**

Aalajangiiffigisassaq

J.nr.: 16.03.01.01-P16-24-17

Sanarfinermut Avatangiisinullu Ingerlatsivik – Pisortaq, Hans Henrik Winther Johannsen, HHWJ

### **Suliassamik eqikkaaneq**

Kommunimut pilersaarummut tapiliussatut siunnersuut suliarineqarpoq Nuummi oqaluttuarisaanermut tunngassuteqartut naleqquttumik ineriartortinnissaat qulakkeerumallugu. Sumiiffik inissiaqarfiuvoq ilaqutariinnut ataatsinuunerusoq illoqarfiusoq ilaatigut allanngutsaalisarialimmi. Pingaartumik Qaqortoq illoqarfimmi innuttaasunut tikeraanullu pingaaruteqarluinnartuuvoq, illuliortaatsit illullu inissisimaffii tunngavigalugit. Taamaattumik ingerlatsiviup nalilerpaa, illoqarfiup tamassuma ilaata ineriartortinneqarneranut ilutigitillugu illuliortaatsimi naleqartitat allanngutsaaliorneqarlutillu illersorneqassasut. Taamaasillutik naleqartitat ullutsinni siunissamilu qulakkeerneqassapput.

### **Inassuteqaatit**

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- Illoqarfiup ilaanut pilersaarummut siunnersuut 1A6-3 Qaqortoq & Avannarliit Nuuk akuersissutigineqassasoq, aammalu
- Aningaasaqarnermut Inuusutissarsiornermullu Ataatsimiititamut Kommunalbestyrelsimullu inaarutaasumik akuersissangorlugu ingerlatinneqassasoq.

### **Suliassamik saqqummiussineq**

Kommunimut pilersaarummut tapiliussatut siunnersuutip tapiliussaq 1A6-2 taarsissavaa, siunissamilu sumiiffiup annertusarneqarnissaanut nutaanik malittarisassiornikkut qulakkeerneqarnissaanut suliaalluni. Tassami ingerlatsivimmi malugineqarmat, tapiliussami aalajangersakkat arlaqartut, sumiiffiup siunissami ineriartortinneqarnissaanut naleqqutinningsut, taakkulu najoqqutaralugitaqukkuminaassasut.

Sumiiffiup ilaani GTO-qarallarmalli illut mikisunnguit sananeqartartut ilisarnaqutaapput, tamarmik immikkut eriagisariaqartutut nalilersorneqarsimanngitsut, ataatsimulli isigalugu sumiiffik eriagisariaqarpoq, taamatullu ilisarnaquteqarnera pigiinnarneqartussatut nalilerneqarpoq. Taamaattumik sumiiffimmi illuliarineqartartussat ilusissaannut aserfallatsaalineqartarnissaannullu sukannersumik piunasaqaateqartoqarpoq. Aamma killilerujussuarmik allissutissaqartitsiffiuvoq, tassami sumiiffik eqimasorujussuarni illuliorfigineqareersutut malunnarmat, sanaartorfissanillu nutaanik immikkoortitsisoqarani.

Kommunimut pilersaarummut tapiliussaq annertoorujussuurtut amerlasuunillu pingaarnertut sukumiisunillu aalajangersagartalittut isumaqarfiginarsinnaavoq. Tamatumunnga pissutaavoq ingerlatsivimmi ukiuni kingullerni misilittakkani aalajangersakkat ataasiakkaat oqaaseqatigiivi qanoq paasineqassanersut isumaliutersuutigineqartarnera anguniakkat siunertaalu pivallaarnagit.

Kommunimut pilersaarummut tapiliussaq imaattunik siunertaqarpoq:

- Sumiiffimmi oqaluttuarisaanermut naleqartitat kingulissatsinnut takusassanngorlugit allanngutsaalineqarnissaat qulakkeerneqassasoq. Kommunimut pilersaarummut tapiliussami qulakkeerneqassaaq, sumiiffiup immikkuullarissumik isikkua pigiinnarneqassasoq, aammalu illut sumiiffiillu eriagisariaqartut Nuummi illut illuliortaatsillu oqaluttuarisaaneranut pingaarutilittut qulakkeerneqassasut.
- Sumiiffik Nuummi najugaqarfigiuminartuaannarlunilu inuuffigiuminartuaannassasoq, ullumikkut siunissamilu qanittumi.
- Illut pioreersut tamaaniittut erseqqissumik malittarisassaliorfigineqarlutillu aalajangersaaffigineqarnissaat, tamatumunnga ilanngullugu allaffissaqarnissaannut periarfissat
- Isaterinermut atatillugu nutaamik illuliornissamut malittarisassaliornissaq

#### *Aaqqiissutissatut siunnersuut – suliatigut naliliineq*

Pilerigineqartutut illoqarfimmullu qanittumik najugaqarfissaqqissuunera pissutigalugu Sanarfinermut Avatangiisinullu Ingerlatsiviup nalilerpaa, piunasaqaatinik sukannernerulersitsinikkut sumiiffik, amerlaqisunut pingaarutilik, pitsaasumik pitsaassutsumik qulakkeerineqataaffigineqassasoq. Kissaatigineqarpoq illut mikisunnguit nuugissunik qaliallit pigiinnarneqassasut qulakkeerneqarlutillu, taamaattumillu ataasiakkaat qanoq allissutissaliinnaaneri nutaamik killiliunneqarput. Ingerlatsiviup nalilerpaa sumiiffiup oqaluttuassartaata qulakkeerneqarnissaa pillugu tamanna pisariaqarsimasoq, aammalu sumiiffik najugaqarfissaqqissoq qaammaqqusersorluagaq silaannaqartorlu, sapinngisamik tamat isikkiveqarnissaannik isumannaariffiususaaq.

#### *Aningaasaqarnikkut sulisoqarnikkullu naliliinerit*

Allannguutissatut siunnersuut aningaasatigut kinguneqassanngilaq.

#### *Inatsisitigut tunngavissaq allakkallu tunngaviusumik uppersaatitalit*

Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17 17. november 2010-imeersoq aamma Inatsisartut inatsisissaat nr. 34 9. december 2015-imeersoq Kommunimut pilersaarut digitaliusoq [www.sermersooq2028.gl](http://www.sermersooq2028.gl)

#### *Ingerlariaqqinnissaq*

Kommunimut pilersaarummut tapiliussaq Sanarfinermut Avatangiisinullu Ataatsimiititamit akuersissutigineqareerpat Aningaasaqarnermut Inuussutissarsiornermullu Ataatsimiititamut kingornalu Kommunalbestyrelsimut akuersissutigisassanngorlugi ingerlateqqinneqassaaq.

Inaarutaasumik pilersaarut tamanit pissarsiarineqarsinnaassaaq, ilaatigut kommunip nittartagaatigut [www.sermersooq2028.gl](http://www.sermersooq2028.gl)

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfiup suliaq qulaani pineqartoq akuereqqullugu innersuussutigaa.

#### **Innuttaasunik peqataatitsineq/attaveqatigiinneq**

Kommunimut pilersaarummut tapiliussatut siunnersuut sapaatip-akunnerini arfineq-pingasuni piffissami 3. januaari 2018 – 28. februaari 2018-mut tamanut tusarniutigineqareerpoq. Tapiliussaq

piffissami tassani sumiiffimmi inoqutigiinnut tamanut agguanneqarpoq, taamaalilluni illunik piginnittut siunissami allilerinermi sukannernerusumik piumasaqaatitaqarneranik paasitinneqarput, aammattaaq ingerlatsiviup illoqarfimmi illunik tuniniaasartut attavigai, qulakkeeqqinniarlugu siunissami sumiiffimmi illuuteqalertussanut piumasaqaatit sukannersut ilisimaarineqarnissaat.

Tamanut tusarniaasoqarnerani 11-nik tusarniaanermut akissuteqartoqarsimavoq, taakkulu aaqqissuisoqarfimmi arlalinnik annikinnerusunik allannguineramik kinguneqartitsipput, kiisalu aalajangiussamik ataatsimik ilanngussisoqarluni, trempelimik sanaat atorlugit sanaartoqqusaanngitsoq.

### **Ingerlatsivinnit allaniit oqaaseqaatit**

Ingerlatsivinnit allaniit oqaaseqaateqartitsisoqanngilaq.

### **Ilanngussat**

1. Tusarniaanermut akissutit ingerlatsivimmit suliarineqarnerat.
2. Tusarniaassummut akissuteqaat
3. 1A6-3 Qaqortoq & Avannarliit, Nuuk Kommunimut pilersaarummut tapiliussaq

## **Punkt 6: Taasariaqartut allat**

### **Beslutning**

Laura Táunâjik (S): Qujassuteqarpoq siulittaasumut siulittaasimaneranut pillugu.

## **Punkt 7: Suliat matoqqasut**

<p>Soqanngilaq.</p>

## **Punkt 8: Imaqarniliap akuerineqarnera**

### **Beslutning**

Imaqarniliaq akuersissutigineqarpoq 14:22